



南宋羣賢詩選卷十



江都陸鍾輝

淳川

甄錄



陳必復 十一首

必復字無咎一字葯房閩縣人山居存稿五言如
庭暮竹陰淨池風水氣涼一夜簷花雨十年江樹
春曉風帆腹飽夜雨柁梢高饒有晚唐音響

百五節

獨遊苦無侶。偶步到前川。春水綠於染。山花紅欲然。冷
烟寒食月。小雨浴蠶天。此去嬉游少。風光又一年。

舟中得催字

出郭少晴日。春陰欲釀梅。岸痕新雨過。島色曉雲開。數鳥烟中落。一帆天外來。谿行正如畫。頻報長年催。

游前溪西庵

爲愛僧居雅。時來扣野扉。沼清魚可數。軒靜客忘歸。脩竹負牆立。幽禽背水飛。道人差不俗。洗耳聽絃微。

僧房

結廬修竹裏。身外世緣輕。滑几淨如拭。小窓低更明。夜深留佛火。人靜聽鐘聲。共撥寒灰坐。跏趺對短檠。

山中書事

天氣如春盎。連朝未有霜。數蟬嘶老木。一鳥渡寒塘。風竹寫晴影。水花臨曉妝。靜中觀物化。此意等羲黃。

舟行崇德

落日掛征帆。西風客袂單。燭明村店近。船重水程寬。蘆蓼作秋意。汀洲生晚寒。鐘聲烟外寺。山色夢中看。

嘉禾境上

聯疇岡勢斷。缺岸浪痕垂。野店茅柴酒。人家槿樹籬。逆風魚上少。連雨稻開遲。客路秋偏好。歸程盡是詩。

寄石泉雲間明府叔三首

容易成離索臨分重忍言夜船楊柳岸曉枕荻花村山
雨斷雲脚谿風生浪痕懸知自公退懷抱欠同論
異政人能說新吟客爲傳一官清似水萬事信于天養
鶴分厨料收書出俸錢晝庭少公事閉閣抱琴眠
卧念相從樂杜門岑寂中曙窓報晴色寒葉語秋風別
去詩難穩愁來酒易空相看才數驛好爲寄書筒

舟中效東坡用韻

底事京塵踏軟紅又隨征棹過吳淞人家半在桑柘住

春水忽迷蘆葦叢赤蟹白魚今稍稍紅櫻紫笋已匆匆
船窓盡日看山色多少好山供眼中

林尙仁 五首

尙仁字潤叟長樂人端隱吟稿

陳葯房曰端隱詩專以姚合賈島爲

法而精要深潤似欲過之

九日登烏回寄鄭渭濱

烏回山下寺閒抱一琴遊客路黃花晚江城寒露秋持
書誰送酒懷古獨凭樓想爾西風裏遶籬吟未休

和陳葯房納涼

貪涼分石坐野服岸巾紗竹暗鳴風葉溪暄聚水花深
村人語靜高樹鳥飛斜不飲論文酒敲棋煮夜茶

適越留別

江亭飲罷起離愁何事西風又越遊潮信欲來人欲去
夕陽紅蓼滿汀洲

北山林僉葯房陳戶偕張牧隱暮春晦日載酒
相過席上以手揮素絃爲韻得絃字

春詩敲未穩一醉傍琴眠吟客相過日飛花欲盡天竹
陰池水暗樹色鳥雲連幽鳥可人意數聲清似絃

春日偶成

未逢知己愧蹉跎又見春風長徑莎杜宇一聲詩思減
楊花三月客愁多從人乞米貧如舊借吏抄書字半訛
懶說江湖十年事近來平地亦風波

姚鏞 十首

鏞字希聲一字敬庵舉進士第爲吉州判官以平
寇功擢守章貢常令畫工貌己像騎牛于澗谷之
閒郡人趙東野題句云騎牛無笠又無簑斷隴橫
崗到處過暖日暄風不常有前村雨暗却如何居

無何忤帥臣重貶衡陽雪篷詩文稿有端平乙未

自題人散東裡眼空云想十載心人海蒼海

寓雲川京實常入世一也一則能十千關谷之

王戴溪頭小隱仙漁翁引上雪溪船幾回倦釣思歸去

又為蘋花住一年

春夜曲

金魚鎖合蘭缸小酒不支愁尋睡早梨花欲墜風更寒
燕子不歸春自老流蘇護帳香雲結三十六簧清吹咽
緘書欲寄湘水深城烏啼落花西月

桐廬道中

兩岸山如簇中流鑲翠微風颿逆水上江鶴背人飛野
廟青楓樹人家白板扉嚴陵臺下過不敢浣塵衣

出山

雲陰漠漠雨瀟瀟坐兀歸輿野興遙石礮水流苔路滑
竹籬秋去菊花焦誰將束縵求山火自立寒谿問板橋
官事奔奔何日了倚松臨水羨漁樵

寄徑山冲晦

欲答前春信西飛雁不逢應隨丹竈鶴同看白雲松花

雨繙經石山鳴出定鐘何時尋舊住却說武夷峯

訪中州

踏雨來敲柳下門。荷香清透紫綃裙。相逢未暇論奇字，先向水邊看白雲。

自青原回訪劉敏叔幾不相遇

曉汲山泉洗硯回。要看奇石立蒼苔。騎驢應爲尋詩出，放鶴還知有客來。一井清寒宜茗飲，千林黃落獨梅開。他時老圃如能學，只乞山中橋本栽。

寄趙東野時以帥檄撫定贛叛

東野山人有晉風。歸來三徑自栽松。錦囊句好閑中趣，鉛鼎丹成靜處功。無事杖藜隨野鶴，有時隱几看晴峯。長江近日風波惡，莫向深淵下釣筒。

清晨閑上鬱孤臺。鼓咽譙樓角更哀。病葉滿山難獨掃，狂花一樹爲誰開。泉枯石井獅空吼，雨暗荒池鳳不來。欲向江東問仙老，海風吹浪駕舟回。

送贛士謁前贛侯楊東山

凝香句滿空同石。靜向東山卧白雲。夫子自能明易學，衆人誰解識元文。空江短棹浮詩卷，別岸飛花撲練裙。

南齊書選 卷一
到得帶園春已過煮茶應共竹間分

樂雷發

四十二首

雷發號雪磯江右人登寶祐癸丑特科廷對第一
授館職時元兵大起嘗作烏烏歌以諷當路丙辰
以病歸遂不復出雪磯叢稿五卷歌行古體悉超
拔七言頗多警句送桂帥赴名五嶺不遮鸞鳳詔
四方俱誦魴鱒詩贈姚雪篷事可語人甘受謗詩
能名世不嫌窮和趙東岩巡部琴帶衡雲絃索潤
馬餐湘芷轡絲香滕王閣柳汀絮滿河豚賤桃塢

花殘石首來送人之鄂壯士苦無橫草志將軍還
用撒花錢送徐侍郎赴名朝廷議論如春雨吳蜀
人材似夕陽聽談蜀事盡看烏犬爲君子誰問沙
蟲化小人送謁襄帥吟青羅帶行離岸唱白銅鞮
過習池題益公書後鸚鵡夜棲金屋冷的盧秋戰
玉關寒昭陵渡馬伏波廟紙錢撩亂巫分胙粉壁
闌斑客寫詩示許介之天地每窮真俊傑山林偏
有好文章如此者極多可采

九疑紫霞洞歌

南齊書選 卷一
猗歟奇哉紫霞之洞真天開千變萬狀不可述恍疑幻
出壺中之蓬萊湘濱兩姝不敢到悵望蒼梧雲縹緲爾
來三千三百年斑龍空卧金光草我採姹女江華濱是
爲三十六帝之外臣右持綠玉杖左攜紫金經長歌天
上謠一呼開仙扃列炬照深窈懸身事幽討羣仙喜我
來驚笑欲絕倒羣仙何多事驚世駭俗變靈異或跣距
足垂天雲或印短趾流沙溥或現姑射處子身粉霞紅
綬藕絲裙或示普陀大士形或持簪柳垂寶瓔或插鏤
象管或結火齊珍或琢元圃玉或布祇園金洞中之深

不知幾百里但見縈紆屈折一里一澗水人言有路通
桂林乘興欲尋日華君吾聞洞中大小洞天三十六帝
遣列真分治局上界官府應更多定知此洞今誰屬猗
歟奇哉紫霞之洞真天開我上會稽探禹穴復浮滄海
登天台巖谷豈無奇眎此何塵埃摩抄崖石題惡句記
我杖屨曾此來黃涪翁元漫叟目力一生空宇宙澹巖
陽華何有奇枉費篇章劔石竇

送程營道官滿赴闕

高旻振爽籟蒼雁鳴芳洲傾城餞茂宰鄉耆羅藻舟茂

南齊書選 卷一
宰蘊淵道厥源沂伊流宇毗振仁策範俗惇聖猷夷心
灼理要政簡吏統周芳風被儒肆惠術淪農疇魯封有
馴翟張廷無訟牛慨茲戒徂兩離衷鬱綢繆贈我茂叔
蓮紉君晏子裘慶霄際鳳躍神囿瞻麟遊世道日以隘
民瘼誰克瘳厲志抗遐業吹萬溥九州揆余忝皇鑒敷
文勉征愁行行重行行夷庚無駐舟

次韵李監丞同劉玉淵游七泉

世變如流水前哲嗟逝川良牧隆化本訪古漫叟泉念
茲名泉意感彼末俗偏淵竇與嵌曰杖屨聊回旋不識

漫叟心曷誦漫叟篇惻念軫蒼氓溥澤同一天蟻聚與
羔跪命義當亦堅回邪乃敗德毋以已欲專夸士五鼎
辱窮爵或自鐫臨流歎澆風薄言傾酒船浸泉旌吾志
凍泉存舊傳漣漣滂洑銘石昭萬年無限感發人黜
指敲墨氈歲月亦云久古迹埋塵烟泉根石已泐泉上
樹欲仙森戟呵虎士誰能聽潺湲理義著古今貴賤俱
荒阡今公七泉游陵谷尙未遷勵俗振古道茲誦惡曲
圓劉侯同襟期賡唱揮彩椽漫叟或有知騎鯨躍層淵
彼哉賊君父圓曲工求權厲民恣屠斫巧宦勤攀緣安

得激七泉布作化雨宣
秋夜感懷

潺露沾灌莽華月流高旻
吟嘯嘉此夜撫化悲蕭辰
蕭辰何所悲遊子多苦辛
道竣壯力謝業遙昌志湮
元鬢日以變豐景將遂淪
堪輿一大宅義娥為旅人
卉木互榮落蛩蟀何吟呻
氣隨稚耄變理勝郵喜均
反性樂天爵測化葆道真
撫卷慨往哲芳猷邈難親

寄雪篷姚使君

湘鱗六六寄相思疎柳新蟬想別時
今夜各聽三楚雁

秋風又老一年詩梅花且補離騷闕
薏苡應為史筆知

剪竹疑峯新製笛待衝霜月訪桓伊

使君時寓衡陽

書蕭干岳集

向來陽陸共崢嶸吟到停雲趣轉精
古似洞庭張雅樂嚴如卽墨斂殘兵
茵陳終不肥方朔芣苢何堪病冉耕
細讀殘編搔白首未應造物忌詩名

寄許介之

惹得詩名徧九州酒徒棊伴半公侯
離騷甘隱魚鱗屋樂府多傳鸚鵡樓
醉葉幾窠藏菊徑蠹荷三畝護漁舟

南齊書選 卷一
中原應有棲蘭國空鎖吳鈞到白頭
寄仙巢先生鍾尚書

吹香亭上送飛鴻且把行藏寄蜀桐老境只須尋遠志
世途還要避沙虫公於天地初何憾道在邱園固未窮
曾是轅門投卷客應憐聽雪卧蔭翦

送丁少卿自桂帥移鎮西蜀

瓊海收兵玉帳閑又移齋艦沂涪灣三邊形勢全憑蜀
四路封疆半是山魏將舊聞侵劍閣漢兵今欲卷函關
時會有三細傾瑞露論西事想在元戎指畫間
京之役

訾家洲

竹塢松灣遍履痕斷碑無首野苔昏江山應識前賢事
裴柳今存幾世孫島霧海霞留古意春猿秋鶴冷騷魂
何人會得登臨意閑嚼梅花伴酒樽

慈氏閣

崢嶸梵閣礙銀潢且對畦衣問馬王落日斷霞連楚粵
缺鐘壞像雜梁唐英豪已往雄圖歇棟宇猶存古意荒
惆悵石湖題柱在依欄無句獨淒涼

雉山寺宋永初中有僧西顯誦法華經于此白

雉聽之而化至唐黃梅五祖弟子喜登告祖乞
巡禮五祖應以遇雉卽止後至此開山本朝王
初寮有留題

薛碑蘿石擁岳屨獨倚筇枝問大乘白雉苦無千歲種
青山空識六朝僧詩傳北岳刊新帖禪接西淮冷舊燈
擬鑿冰泓澆凍硯禊亭閒借法華膽

袁家渴泊舟

往事誰能問水濱停橈仍是薄西曛樵漁空自存袁姓
鳧雁何應識柳文釣艇分燈歸客艇嶺雲拖雨接溪雲

梗梗蘭芷今何在空使行人誤舊聞

寄吳茂遠

蘇公堤畔繫吟驢知在垂楊第幾株學校文章如畫餅
朝廷官爵似呼盧春吟應欠梅花在時事曾言楮幣無
惆悵湘湄分袂處今看細雨長蘼蕪

送李公洛遊臨武

嶺梅瀟菊兩關情歲晚江湖載酒行客路欲依嚴挺子
瘴鄉已老少游兄瓦盆且話田家事肉食誰通鈍漢名
惆悵韓張亭畔路雪鞭風帽又東征

江華送熊清父遊廣州時予有衡陽之役

邂逅陽華且酒壺海鵬衡雁各征途閑身俱被飢寒役
老境還看離別無鄉夢定應思欸段客吟何用說媿隅
曾從仙叟參元訣好訪安期採澗蒲

送友人之辰州覲省

路鳶巢畔瘴雲低山徑如梯去馬遲正則自吟皇樹頌
廣微惟誦白華詩春風採藥桃花國落日尋碑蕙苾祠
覓得丹砂能寄否溪亭送客鬢毛衰

逢熊季可

暮雲春樹飽相思今共秋風捋白髭北闕未知鸚鵡賦
南洲空誦鷓鴣詩旗亭尙喜髡能飲客路誰知朔獨飢
賴有湘翁生計在且吟九辨擷江籬

舜祠送桂林友人

堯山分手舜山逢呼酒旗亭兩鬢蓬客思且須論契濶
詩交應不計窮通兒曹富貴秋烟外前輩風流落葉中
明日吟船又何處渡江衣冷荻秋風

常寧道中懷許介之

雨過池塘路未乾人家桑柘帶春寒野巫豎石爲神像

稚子搓泥作藥丸。柳下兩姝爭餉路。花邊一犬吠征鞍。
行吟不得東溪聽。借硯邨廬自寫看。

題許介之譽文堂

端平丙申桂林伯尚書鍾公以遺逸薦東溪
先生許侯于朝。越明年得旨補初品官衡州
戶椽。其誥詞於始則有夙有譽處。且嫺文辭
之褒於終則有其以行義教于鄉里之勉州
里人士莫不榮之。又明年許侯乃于東溪之
濱。荆堂五間以爲講道著書之地。仍摘天語

譽文二字以張其名。敬上賜也。堂成山齋先
生爲之記者詳矣。當世之名卿大夫又爲之
賦詠者衆矣。敬書二首以記盛事。

曾佐元戎洗綠林。此翁何止擅詩聲。久辭驃騎尊瓢飲。
誰引鳴騶聒耦耕。厚禮正羅溫處士。浮名還汙陞先生。
衡茅那識絲綸美。尚擬升堂結社盟。

姜夔劉過竟何爲。空向江湖老布衣。造物忌名從古有。
詩人得位似君稀。聖朝自要求參朮。吾道何應賤蕨薇。
晚節黃花須愛護。且教湘士揖芳菲。

濂溪書院弔曾景建

太極樓頭霽月寒
斷絃絲綺不堪彈
窻前自長濂溪草
澤畔還枯正則蘭
蒼野騷魂惟我弔
烏臺詩案倩誰刊
傷心空有金陵集
留與江湖洒淚看

讀繫年錄紹興八年以後事

婁敬金繒滿去輒
便看雷雨潤遐陬
諸賢自抗排雲議
宰相方深偃月謀
湘國乍聞悲鵬鳥
秣陵遠唱聽符鳩
九原晏老今知否
搔首青編恨未休

櫟欄吳大帝廟

赤壁濡須事已虛
且依櫟欄酌芳壺
九原尙擬吞銅雀
千載今惟記赤烏
湘浦有人修舊祀
荊州無地展雄圖
定知斫案英靈在
閑對祠前洗湛盧

蘇瑩中先往新淦過新喻訪之不遇賦詩爲寄

玉笥山前水拍空
知君何處繫吟蓬
敢輕奇士題凡鳥
謾有憂心詠阜螽
沉芷灑蘭猶可寄
江雲渭樹苦難同
門前草木皆詩卷
獨倚篔簹嘯晚風

疎拙

越冠齊瑟事皆非
疎拙唯甘與世違
客路鶯花愁裏看

小豐

南齊書選 卷一
故山烟雨夢中歸采薇有備淮南靜移粟無謀浙右饑
納納乾坤須俊傑湘翁祇合製荷衣

陳東甫酒間舉作歸心只有杜鵑知之句猶未
成篇因爲續之

歸心只有杜鵑知且倚裴亭共撚髭客路秋風吹杜若

故園春雨老辛夷

陳君撫
州人

家貧未辨閒居賦世濁空吟

感寓詩邂逅江湖還別去岸花檣燕兩堪悲

下攝市

吟到湘潭一葉黃賈胡踪跡正悲涼抱琴沽酒異鄉客

打鼓發船何郡郎楚女越商相雜沓淮鹽浙楮自低昂
塵埃市井無人識濯足江頭望八荒

下第歸後李伯輝李景魏索近詩

吟遍吳頭楚尾春多慙才客問征塵振衣天目尋黃獨
濯足湘江咏白蘋宋五已慚稱進士陳三何用作詩人
錦囊元屬君家有分買漁經理釣綸

陳勝吳廣

假號偷名只可憐枉拋錢鎛弄戈鋌隴頭燕雀應相笑
鴻鵠原來是項燕

東方朔

蜥蜴盆邊解滑稽且分社肉飽蛾眉劉郎最怕秋風冷
那聽君言換殿帷

讀李羣玉集二首

光順門前繫馬吟弘文館裏翠雲春却憐白首河西尉
枉作蓬萊獻賦人

捐玦江頭弄釣舟蘭花杜若滿芳洲如何才子無騷思
只咏薔薇與石榴

題楊從行湘詩卷楊卽誠齋

仙雲寒鎮碧瑤天突兀吟壇北斗邊試問鳳凰誰得髓
竹林聽雪對床眠

次韻熊雲瀑秋夜見寄

吟落秋窻燭炮紅想彈九辯入絲桐荃衡豈不如葵菽
誰繼幽風補楚風

甲午社日客桂林

卮酒豚蹄客裏歡石尤風緊皂衣單東陽病骨如鸚鵡
最怯南州社日寒

送友人遊昭州呈陳謙之僉判

閬仙去補荔枝譜梅苦歸呈飛鷺秋惟有瓜坡共君在
馬蹄何苦又昭州

夏日偶書

螺贏啣蟲入破牕。枕書一垛竹方床。家僮偶見草頭字
誤認離騷是藥方。

秋日行村路

兒童籬落帶斜陽。豆莢薑芽社內香。一路稻花誰是主
紅蜻蜓伴綠螳螂。

史主簿以授庵習稿見示敬題其後併寄張宗

瑞

姜夔荒塚白蘋深。鸞鷺無聲結綠沉。擬向鄱陽尋後社
只招張容聽君吟

題昭州田廷亮書藁後

檳榔口裏吐參苓。折檻無門九虎深。家在道鄉亭畔住
定應千古有知音

宋伯仁 五首

伯仁字器父茗川人嘉熙戊戌自序雪巖吟草有
云予詩出于隨口應聲高下精拙漫無節制有如

敗草翻風枯荷鬧雨而已嘗僑居臨安西馬塍故
有西塍稿

湖上新晴

湖邊膏雨弄晴時。桃杏紅爭錦一機。楊柳也如新及第。
向人爭舞綠羅衣。

寄樓雲卧

雲卧西湖又幾年。吟鞍多在酒罈邊。定知今古皆春夢。
不把功名作宿緣。芳草滿汀山帶雨。黃梅落地水連天。
相逢未說江南事。且問何時理釣船。

戲作

青梅黃盡雨無多。柳影重重午日過。忽聽隔籬人語笑。
採蓮船子上新河。

蓼花

秋到梧桐我未宜。蓼花何事已先知。朝來數點西風雨。
喜見深紅四五枝。

山下

山下六七里。山前八九家。家家滿到骨。只賣水仙花。

戴復古 十九首

復古字式之天台人石屏續稿三卷詩本家學著
聲江湖全集已具載今州來吳氏宋詩鈔

感寓二首

夜雨挾西風撼撼撼庭樹浮生堪幾秋青鬢忽已素鉛
刀剗九牛策蹇望長路所操莽無奇自好徒自誤改絃
調新聲履道易故步收功在桑榆其敢忽遲暮
紅紫委路塵綠樹有嘉色剗心晚聞道玩物若有得青
春坐銷歇方茲見真實人生到中年胡不保明德秋風
墮庭梧棲鳳去無迹矯首白雲端一語三嘆息

頻酌淮河水

有客遊豪梁頻酌淮河水東南水多鹹不如此水美春
風吹綠波鬱鬱中原氣莫向北岸汲中有英雄淚

刈麥行

腰鎌上隴刈黃雲東家西家麥滿門前村寡婦拾滯穗
饘粥有餘炊餅餌我聞淮南麥最多麥田今歲屯干戈
飽飯不知征戰苦生長此方真樂土

元宵雨

窮人不謀歡元夜如常時晴雨均寂寞蚤與一睡期朱

南文詩選 卷十 三
門粲燈火歌舞臨酒池酒闌歡不足九街恣遊嬉前呵
驚市人簫鼓逐後隨片雲頭上黑翻得失意歸

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓
昨日不知今日愁英雄握手新相識人情政好成南北
酒闌人散最關情一雁西飛楚天碧

栗齋鞏仲至以元結文集爲贈

尋常被酒時歸則急投枕爲愛次山文今夜醉忘寢偉
哉浯溪碑千載氣凜凜春陵賊退篇少陵猶斂衽文章

自一家其意則古甚太羹遺五味純素薄文錦聲牙不
同俗斯人異所稟君君望堯舜人人欲倉廩古道不可
行時對窳樽飲

琵琶亭

潯陽江頭秋月明黃蘆葉底秋風聲銀龍行酒送歸客
丈夫不爲兒女情隔船琵琶自愁思何預江州司馬事
爲渠感激作歌行一篇六百一十字白樂天白樂天平
生多爲達者語到此胡爲不釋然弗堪謫宦便歸去廬
山故接柴桑路不尋黃菊伴淵明忍泣青衫對商婦

南嶽

南雲縹緲連蒼穹七十二峯朝祝融
凌空棟宇赤帝宅修廊翼翼生寒風
朝家遣使嚴祀典御香當殿開宸封
願福四海扶九重干戈永息年屢豐
五嶽今惟見南嶽北望乾坤雙淚落

玉華洞

憶昨游桂林巖洞甲天下奇奇怪怪生
妙不可模寫玉華東西巖具體而微者
神工巧穿鑿石壁生孔罅玲瓏透風月
宜冬復宜夏中有補陀仙坐斷此瀟洒
空山茅

葦區無地可稅駕舉目忽此逢心駭見
希詫題詩媿未能何人亦無暇

懷家

白髮出門來三見梅花謝客路有歲年
歸心無晝夜

新安寒食

不擬今年到歙州要知行止豈人謀
一百五日客懷惡三十六峯春雨愁
老矣此身猶道路淒其歸夢繞松楸
花瓢仙子無由見千里江山負遠遊

烏聊山登覽

南齊詩選 卷一
三
抖擻囂塵上翠微。旁溪寺上坐題詩。忽聞啼鳥不知處。
細看好山無厭時。風掃雲烟開遠景。人携香火謁荒祠。
客來千里登臨意。說與時人未必知。

癖習

平生癖習未全除。虛事驚心實事疎。爲惜落花慵掃地。
每看修竹欲移居。逢人共作亡何飲。撥冗時觀未見書。
爭奈一貧隨我在。思量不若把犁鋤。

九日

今日知何日。他鄉憶故鄉。黃花一杯酒。白髮幾重陽。日

晚鴉爭宿天寒雁。叫霜客中無此醉。何以敵淒涼。

三山宗院趙用父問近詩因舉今古一凭欄夕

陽山外山兩句未得對用父以利名雙轉轂對

上句劉叔安以浮世夢中夢對下句遂足成篇

和者頗多僕終未愜意都下會李好謙王深道

范鳴道相與談詩僕舉此話鳴道以春水渡傍

渡爲對當時未覺此語爲奇江東夏潦無行路

逐處打渡而行溧水界上一渡復一渡時夕陽

在山分明寫出此一聯詩景恨不得與鳴道共

賞之

世事真如夢。人生不肯閒。利名雙轉轂。今古一凭欄。春水渡。傍渡夕陽山。外山吟邊思。小范共把此詩看。

樓上觀山

九陌黃塵沒馬頭。人來人去幾時休。誰家有酒身無事。長對青山不下樓。

綠陰亭

千山橫碧一溪清。白鳥飛邊落照明。吏散庭階一無事。綠陰亭上又詩成。

清明傷感

客中今日最傷心。憶著家山松樹林。白石岡頭聞杜宇。對他人墓亦沾襟。

三十一

南宋羣賢詩選卷十

南宋羣賢詩選卷十一

江都 陸鍾輝淳川 甄錄

葉茵 七首

茵字景文笠澤人順適堂吟稿一卷續稿一卷
偶成

春陰晴復陰因物悟浮生杜宇鄉心重楊花世事輕知
非遽伯玉覺是晉淵明此意誰人會騎牛訪耦耕

蘇隄

南北山圍翡翠隄隄邊綠漲軟琉璃參差臺榭無餘地

南齊書選 卷一
雜選輪蹄了四時楊柳又多前日樹梅花祗少近人詩
停篙不看春風面閒伴漁翁理釣絲

野堂

風來無市聲景物占深靜鷗狎堂上翁時來點天鏡

盟鷗

同此江湖心有盟非知己我亦畏機人莫入驚波裏

江湖偉觀

此地舊寒碧留題護竹君窻虛不礙月壁老易生雲一
水東西隔兩山南北分未堪低着眼世事正紛紛

山行

青山不識我姓氏吾亦不識青山名飛來白鳥似相識
對我對山三兩聲

有所思

仰天有所思心遠目苦短西風驅殘雲千里月華滿

李龔八首

龔字和父一字雪林荷澤人梅花衲集五七言絕
句各百首

深院無人獨倚門暗香浮動月黃昏夜寒那得穿花蝶

疑是西湖處士魂

韋莊
蘇子瞻

林君復
李縝

林蘿深處過溪橋眼底青山映寂寥真態生香難畫得

一枝春瘦雪初銷

李縝
張武子

秦宰
蘇子瞻

鏤冰疊雪鬪輕盈片逐銀蟾落醉觥惆悵晚來風定後

隔林橫笛兩三聲

林君復
嚴憚

毛澤民
杜子美

淡烟疎雨又青山月映橫枝古礪寒十日笙歌一宵夢

無人起向月中看

潘德久
翁靈舒

徐致中
徐道暉

花壓闌干春晝長玉中還有辟邪香少陵苦被花相惱

可是無心賦海棠

劉長卿
李縝

吳居厚
陸務觀

玉爲風骨雪爲衣瘦倚疎篁不解肥絕礪斷橋幽獨處

夕陽長送釣船歸

韋莊
羅隱

宋祁
陶商翁

蜂撩蝶嬾不相饒二月春風似剪刀可惜屈原吟澤日

不并香草入離騷

嬾愚

陸務觀
李希聲

白玉堂前一樹梅先於城外百花開物情似與閑相稱

又惹東風意緒來

唐才婦
劉威

劉禹錫
來鵬

姜夔

六十首

夔字堯章番陽人居吳興乾淳間曾以上樂章得

免解訖不第自序同時詩人以溫潤推范石湖痛

快推楊誠齋高古推蕭千岩俊逸推陸放翁白石

遊於諸公間故其言如此白石自定詩一卷

陳藏
一日

意到語工不期于高遠而自高遠

靜志居詩話

盡洗鉛華極蕭散自得之趣故獨步一時

帶經

堂題跋白石詞家大宗其于詩亦能深造自得
得其初學黃太史正以不深染江西派為佳

奉別沔鄂親友

以長歌意無極好
為老夫聽為韻

滔滔沔鄂留有覩三宿桑持鉢了白日事賤九蛄蟻舍

當去石友烟席凌江湘為君試歌商歌短意則長

佳人魯山下

謂楊大
昌正之

日弄清漢波促絃調寶瑟哀思感

人多咬哇秦缶擊冷落郢客歌知音良不易如此粲者

何

英英白龍孫

鄭仁舉
次臯

眉目古人氣拮据營數椽下簾草

生砌文章作逕庭功用見造次無庸垂罄嗟遺安鹿門
意

詩人辛國士辛泌克清句法似阿駒別墅滄浪曲綠陰禽鳥

呼頗參金粟眼漸造文字無兒輩例學語屋壁祝又作呼

蒲盧

山陰千載人揮洒照八極只今定武刻猶滯龍虎筆單

侯出機杼單諱炳文豈是劍舞得餘波入竹石絕嘆咄咄逼

異時之呆君在涅守白顥黃鐘欠牛鐸淋漓乎遺稿有

子殊可人蔡迨堅吾子字武伯特未見此老客來請論文但道曲

肱好

中郎遊千霜曲高復誰為龐翁趣無絃鄭伯功斲鼻春

風桃花溪寒綠繞蒼翠何當從兩君放浪計幽事

宦達羞故妻貧賤厭丘嫂上書雲雨迴還舍筍蕨老江

臯鋤帶經決計恨不早士無五羖皮沒世抱枯槁

伐木響虛牝我願友褐夫九關呀虎豹何時內高祛黃

鵠渺雲樹鸚鵡澹烟蕪倚杖得清賞洗心觀本初

孤鴻度關山風霜摧翅翎影低白雲暮哀噉那忍聽士

生有如此儲粟不滿瓶著書窮愁濱可續離騷經

雪中訪石湖
雪研如玉城偏師敢輕犯黃蘆陣野鷺我自將十萬三
載渠未降北面石湖范先生霸越手定目一笑粲

夏日寄於翁朴翁時在靈隱

風吹松樹枝懷我松閒友雲從北山來令我屢回首山
雲夜夜起山雨侵人衣遙知竹窻裏自吟新雨詩

春日書懷

九真何蒼蒼乃在清漢尾衡茆依草禾念遠獨伯姊春
來衆芳滋春去衆芳萎兄弟各天涯啼鳩見料理漢江

出巨魚風雷入驅使安得挾我輶西征二千里

春雲驛路暗遊子眇歸程永懷故山下風雨悲松庭翁
仲不解語幽鳥時時鳴人家插垂柳客裏又清明

垂楊大別寺春草郎官湖家巷有石友合并不待呼瘦
藤倚花樹花片藉玉壺老鄭談絕妙辛楊句敷腴平生
子姚子貌古心甚儒時邀野僧語閒與琴工俱酒闌興

未了左轉城南隅大江圍楚碧烟水入元虛留落不自
恨唯嗟故人疎一月三見夢夢中相與娛日日潮風起
悵望武昌一作魚武昌十萬家落日紫烟低亭亭頭陔

南文詩選 卷一
塔高處白鳥棲白鳥忽飛去春山空四圍南樓有佳人
再召且再辭閉門課文史櫻物深天機斯人不可致白
鳥會來歸

賦千岩曲水

紅雨洒溪流下瀨仍小駐魚隊獵殘香故故作吞吐老
子把一盞微風忽吹去

昔遊詩

夔蚤歲孤貧再走川陸數年以來始獲寧處秋日
無謂追述舊遊可喜可愕者吟爲五字古句時欲

展開自省生平不足以爲詩也

洞庭八百里玉盤盛水銀長虹忽照影大哉五色輪我
舟度其中晃晃驚我神朝發黃陵祠暮至赤沙曲借問
此何處滄灣三十六青蘆望不盡明月耿如燭灣灣無
人家只就蘆邊宿

放舟龍陽縣洞庭包五湖

澧沅濱
湘大江

洶洶不得道茫茫將

奈何篙師請小泊石矸沉泥沙是中大無岸強指葦與
莎滯留三四晨大浪山嵯峨同舟總下淚自謂餵黿鼉
白水日以長僅存青草芽轉盼又已沒但見千頃波此

南齊書選 卷十一
時羨白鳥飛入青山阿
九山如馬首一一奔洞庭小舟過其下幸哉波浪平大
風忽怒起我舟如葉輕或升千丈波或落千丈坑回望
九馬山政與大浪爭如飛鵝車礮亂打睢陽城又如白
獅子山下跳猙獰須臾入別浦萬死得一生始知茵席
濕盡覆杯中羹
蕭蕭湘陰縣寂寂黃陵祠喬木蔭樓殿畫壁半傾欹蘆
洲雨中淡漁網烟外歸重華不可見但見江鷗飛假令
無恨事過此亦依依

我乘五板船將入沌河口大江風浪起夜黑不見手同
行子周子渠胆大如斗長竿插蘆席船作野馬走不知
何所詣生死付之偶忽聞入草聲燈火亦稍有杙船遂
登岸亟買野家酒

天寒白馬渡

漢川縣界

落日山陽村是時無霜雪萬里風奔

奔外旃吹已透內纒冰不溫吹馬馬欲倒吹笠任飛翻
不見行路人但見草木蕃忽看野燒起大焰燒乾坤聲
如震雷震勢若江湖吞虎豹走散亂麋鹿不足言夜投
野店宿無壁亦無門此行值三厄幸得軀命存明發見

老姊斗酒爲招魂
揚舲下大江日日風雨雪留滯鰲背洲十日不得發岸
冰一尺厚刀劍觸舟楫岸雪一丈深屹如玉成堞同舟
二三十頗壯不恐懾蒙毡開篷卧波裏任傾側晨興視
毡上積雪何皎潔欲上不得梯欲留岸頻裂攀援始得
上幸有人見接荒村三兩家寒苦衣食缺買猪祭波神
入市路已絕如今得安坐閑對妻兒說

青草長沙境洞庭渺相連洞庭西北角雲邊更無邊後
有白河沌渺莽里數千豈惟大盜窟神龍所盤旋白湖
辛巳歲忽墮死蜿蜒一鱗大如箕一髯大如椽白身青
鬚鬣兩角上梢天半體卧沙上半體由沉淵里正聞之
官官使吏致虔作齋爲禳被觀者足闐闐斂席覆其體
數里聞腥羶一夕雷雨過此物忽已遷遺跡陷成川中
可行大船是年金亮至送死江之壩或示祖龍讖詭異
非偶然近日山陽人采菱不知還望見三龍浮目若電
火燃見龍多見尾少見四體全一龍已爲異三者亦罕
傳又因漁湖側水中忽生烟烟中一驢出繞身步蹠蹠
俄隨霹靂去欲語無由緣我聞語此事乘舟往觀焉徑

南齊詩選 卷十一 九
往招葭浦白鷺爭相先湖有劉備廟實司浩渺權徘徊
無所見歸棹月明前

昔遊洞源山先次白馬渡

桃源縣界

渡頭何清深鴻鵠在高

樹白馬亦洞天昔人有奇遇洞門不可見但聞水聲怒
瞻彼羽人宅乃乘方船渡修廊夾五殿重閣映千樹規
模象魏壯四合綠陰護山椒望五溪壺頭入指顧故宮
在其北屋瓦帶松霧古杉晉時物中空野人住外圍四
千尺內可十客聚我遊瞿仙館壇上表遺步却下八疊
坡一亭衆妙具兩山抱澄潭老木枝幹互瞻前秀而迴

坐久凜難駐桃源獨不見僻在官南路山行轉深邃狙
猿吟上下石竇出微洎令我意猶豫昔聞漁舟子水際
見洞戶今看去溪遠定自後人誤惆悵却歸來此遊不
得屢於今二十年歷歷經行處

昔遊衡山下看水入朱陵半空掃積雪萬萬玉花凝或
如生綃挂或作薄霧橫紛紛虎豹吼往往蛟龍驚人語
不相聞濺電漂風纓有魚緣峭壁上上終不停此中有
神物雷雨周八紘

昔遊衡山上未曉入幽谷欲識所坐輿橫板挂兩竹狀

南宋詩選 卷十一
如秋千垂高下不傾覆登山九千丈中道多佛屋一峯
高一峯一峯秀林木仰看同來客木末見冠服高堂石
橋路尋常雲所宿下方雷雨時此上自晴旭紫蓋何突
兀萬里在一目餘峯六七十僅如翠浪蠹此有嬾瓚巖
大石庇樵牧下窺半厓花杯盃玉飛雲身畔遇攬
之不盈掬祝融最高絕紫蓋不足錄俯視同仰觀蒼蒼
萬形伏惟餘响嘯峯南睇半空綠彷彿認瀟湘向嶽流
屈曲高處驚我魂翻思宅平陸其東有雷穴靈異謹勿
觸雲來綿世界雲去一峯獨僧窓或留罅雲入不可逐

絕頂橫石渠仙人有遺躅山多金光草夜半如列燭靈
藥不可尋吁嗟歸太速

濠梁四無山坡陁亘長野吾披紫茸毡縱飲面無赭自
矜意氣豪敢騎雪中馬行行逆風去初亦略霑洒疾風
吹大片忽若亂飄瓦側身當其衝絲鞵袖中把重圍萬
箭急馳突更叱咤酒力不支吾數里進一竿燎茅烘濕
衣客有見留者徘徊望神州沈嘆英雄寡

旣離湖口縣未至落星灣舟中三兩程程見廬山廬
山遮半天五老雲爲冠朝看金盞盞暮看紫巉巉瀑布

南史詩選 卷十一 二
在山半彷彿認一斑廬山忽不見雲雨滿人閒
雪霽下揚子閒望江上山上山如白玉日照金孱顏是
時江水淨影落清鏡寒潮催庾信老雲送佛狸還萬古
感心事惆悵垂揚灣

衡山爲真宮道士飲我酒共坐有何人山中白衣叟問
叟家何在近住山洞口殷勤起見邀徐步入林藪雲深
險怪黑石亂湍水吼尋源行漸遠茅屋前如帚老烹茶
味苦野琢琴形醜叟云司馬仙學道此居久屋東大盤
石碁畫今尚有古木庇覆之清泉石根走因悲百年內

汲汲成白首仙人固難值隱者亦可偶追惟恍如夢欲
畫無好手

余居茗溪上與白石洞天爲鄰潘德久字子曰
白石道人且以詩見俾其詞曰人間官爵似樗
蒲來到枯松亦大夫白石道人新拜號斷無繳
駁任稱呼予以長句報貺

南山仙人何所食夜夜山中煮白石世人喚作白石仙
一生費齒不費錢仙人食罷腹便便七十二峯生肺肝
真祖只在南山南我欲從之不憚遠無方煮石何由軟

南齊書選 卷一 三
佳名錫我何敢辭但愁自此長苦饑囊中只有轉庵詩
便當掬水三嚙之 轉庵德久自號云

次韻誠齋送僕往見石湖長句

客來讀賦作雌蜺平生未聞衡說詩省中詩人官事了
狎鷗入夢心無機韻高落落懸清月鏗鏘妙語春冰裂
一句長安識子雲三嘆郢中無白雪范公蕭爽思出塵
有客如此渠不貧堂堂五字作城守平章勁敵君在口
二公句法妙萬夫西來囊中藏魯瑱只今擊節烏棲曲
不媿當年賀鑑湖

送朝天續集歸誠齋時在金陵

翰墨場中老斲輪真能一筆掃千軍年年花月無閒日
處處山川怕見君箭在的中非爾力風行水上自成文
先生只可三千首回拖江東日暮雲

次朴翁遊蘭亭韻

亞字橋亭面面風六人同坐樹陰中松交歸路如留客
石礙流杯故惱公山色最憐秦望綠野花只作晉時紅
夕陽啼鳥人將散俛仰興懷自昔同 右軍祠堂有杜鵑花兩株花極照灼

次韻千巖雜謠

南齊書選 卷十一 三
平平中散七不堪鳳塵時時伴燕談道士有神傳火棗
故人無字入雲藍雨涼竹葉宜三酌日落荷花倚半酣
極欲扁舟南蕩去冷鷗輕燕畧相諳

和陸放翁

午庭風雨撼高槐一洗城頭十丈埃老子坐閒尋好句
故人門外寄詩來勁鋒久服穿楊妙鈍思深慚擊鉢催
清珮左符君未可安聽吟思發春雷

明妃詩

全潘德久作三首

明妃未嫁時滿宮妬娥眉一朝辭玉陛人人淚雙垂

年年心隨鴈日日穹廬中遙見沙上月忽憶建章宮
身同漢使來不同漢使歸雖爲胡中婦只着漢家衣

武康丞宅同朴翁詠牽牛

青花綠葉上疎籬別有長條竹尾垂老覺淡粧差有味
滿身秋露立多時

過德清

木末誰家縹緲亭畫堂臨水更虛明經過此處無相識
塔下秋雲爲我生

溪上佳人看客舟舟中行客思悠悠烟波漸遠橋東去

南齊詩選 卷十一 一四
猶見闌干一點愁

過湘陰寄千巖

渺渺臨風思美人
荻花楓葉帶離聲
夜深吹笛移船去
三十六灣秋月明

除夜自石湖歸苕溪

此詩錄寄誠齋得報云所寄十詩有裁雲縫霧之妙

思敲金戛玉之奇聲

細草穿沙雪半銷
吳宮烟冷水迢迢
梅花竹裏無人見
一夜吹香過石橋

黃帽傳呼睡不成
投篙細細激流冰
分明舊泊江南岸

舟尾春風颭客燈

沙尾風回一棹寒
椒花今夕不登盤
百年草草都如此
自琢春詞剪燭看

環玦隨波冷未銷
古苔留雪卧墻腰
誰家玉笛吹春怨
看見鷺黃上柳條

姑蘇懷古

夜暗歸雲繞柁牙
江涵秋影鷺眠沙
行人悵望蘇臺柳
曾與吳王掃落花

湖上寓居雜詠

南齊書選 卷十一 五
荷葉披披一浦涼青蘆奕奕夜吟商平生最識江湖味
聽得秋聲憶故鄉

湖上風恬月澹時卧看雲影入玻璃輕舟忽向牕前過
搖動青蘆一兩枝

秋風低結亂山愁千頃銀波礙不流堤畔畫船堤上馬
綠楊風裏雨悠悠

處處虛堂望眼寬荷花荷葉過闌干遊人去後無簫鼓
白水青山生晚寒

苑牆曲曲柳冥冥人靜山空見一燈荷葉似雲香不斷

小船搖曳入西陵

平甫見招不欲往

老去無心聽管絃病來杯酒不相便人生難得秋前雨
乞我虛堂自在眠

樓閣萬重秋雨裏峯巒四合暮潮還鳳城今夕涼如水
多少人家試管絃

過垂虹

自作新詞韻最嬌小紅低唱我吹簫曲終過盡松陵路
回首烟波十四橋

雪中六解

選二

塞草汀雲護玉鞍連天花落路漫漫如今却憶當時健
下馬題詩不怕寒

曾泛扁舟語石湖恍然坐我范寬圖天寒遠挂一行雁
三十六峯生玉壺

送范仲訥往合肥

我家曾住赤欄橋鄰里相過不寂寥君若到時秋已半
西風門巷柳蕭蕭

平甫放三十二鷗於吳松余不及與盟

橋下松陵綠浪橫來遲不與白鷗盟知君久對青山立
飛盡梨花好句成

燈詞

燈已闌珊月氣寒舞兒往往夜深還只因不盡婆娑意
更向階心弄影看

朴公悼牽牛甚奇余亦作

不見青青繞竹生西風籬落抱枯藤道人一任空花過
愁殺山陰覓句僧

雁圖

南宋詩選 卷十一 二
萬里晴沙夕照西。此心唯有斷雲知。年年數盡秋風字。
想見江南搖落時。

次德久韻

籬落青青花倒垂。避人黃鳥雨中飛。西郊寂寞無車馬。
時有溪童賣菜歸。

次石湖書扇韻

橋西一曲水通村。岸閣浮萍綠有痕。家住石湖人不到。
藕花多處別開門。

下孤城

人家多在白雲中。楊柳疎疎尙帶風。記得下孤城下路。
白雲依舊兩三峰。

蕭山

歸心已逐晚雲輕。又見越中長短亭。十里水邊山下路。
桃花無數麥青青。

釣雪亭

闌干風冷雪漫漫。惆悵無人把釣竿。時有官船橋畔過。
白鷗飛去落前灘。

李濤

八首

濤字養源臨川人蒙泉詩稿

處事

處事無心萬象春。任渠逆境自橫陳。籠中無療家貧藥。
門外有催詩債人。酒盞濶疎瓶久卧。文書散亂案多塵。
生前富貴非吾願。肯學痴人問大鈞。

詩友作涉江采芙蓉觸撥鄙思亦成一首

涉江采芙蓉。江水濕我衣。厲揭不憚勞。將以遺所思。
所思不我見。持此將安歸。野花逞姿媚。衆好紛莫違。此物
何足歎。但傷愛者稀。

放林龍發

車馬喧闐桃李村。誰人復識老梅尊。時中只有梅亭姪
來訪西湖處士孫。

琴書

琴書隨分足生涯。只灌園畦亦自佳。行狀是劉斯立記。
門風似杜少陵家。添詩人瘦。同中酒解睡魔圍。只上茶
無事出門覓詩句。巡簷指點數梅花。

春晝回文一首

茶餅嚼時香透齒。水沉燒處碧凝烟。紗窓閉着猶慵起。

極困新晴乍雨天

雜詩三首

滔滔東流水赴海無歸期
亭亭右轉日今茲復來茲
人生寄天地百年七十稀
思慮復營營恐爲達者嗤

燕雀喜厦屋蟲蟻慕腥羶
野花引飛蝶古木來嘶蟬
秋天百蟲吟春天百禽喧
翟公眞闇事喜慍見色言

明主不棄士我自志山林
爵服豈無華才踈力難任
鳥向深山棲魚向深淵沉
吾亦愛吾廬高歌復微吟

陶 弼 九首

弼字商翁永州人嘗知賓邕欽容順六州乾興閒

弼之父知賓州嘉祐中弼繼之元符中其姪達又

繼之一門三人出守是郡皆有政術弼尤長於賦

詠知邕州時經儂寇民不聊生弼綏輯惠養至忘

其勞諸洞甚悅無相犯者及去民再罹禍亂散匿

山谷旣弼復知邕州民悉扶携老幼以歸建中靖

國編次勳臣弼亦預焉有書奏十八卷邕舟小集

一卷

送趙樞寺丞宰虔化縣

南宋詩選 卷十一 三
路入南雲下如何輕解携人烟五嶺北星斗大江西暖
雪梅花樹晴雷顛石溪青衫欲無淚不奈鷓鴣啼

山茶花 二首

淺爲玉茗深都勝大日山茶小杏紅名譽漫多朋輩少
年年身在雪霜中

江南池館厭深紅零落空山烟雨中却是北人偏愛惜
數枝和雪上屏風

紫薇花

人言清禁紫薇郎草詔紫薇花影旁山木不知官况別

也隨紅日上東廊

題陽朔縣舍

石壁高深遶縣衙不離席裯自烟霞民耕紫芋爲朝食
僧煮黃精代晚茶瀑布聲中窺案牘女蘿陰裏勸桑麻
欲知言偃絃歌化水墨屏風數百家

秋日登南城臺

江國家書少秋臺寒草生無人來遠渡盡日上高城落
照縣漁市孤烟起戍營東籬故園菊又向酒中傾

過思明

南宋詩選 卷十一
三
幾年來瘴外此夜宿溪中照枕殘鷄月吹燈落葉風盧
循猶僞國楊僕已衰翁起戴寒星去前村燒影紅

閣阜

萬仞天然阜閣形陰陽不似衆山青一區海上神仙宅
數曲人間水墨屏華表鶴歸春谷響玉驚龍起夜潭腥
可憐張葛無人繼三級高壇拂杳冥

東湖

寧越佳山水東湖帶郡城月天高寺影春雨一橋聲石
上青蒲合沙中白鳥橫天涯正寥落獨往若爲情

南宋羣賢詩選卷十一

南宋羣賢詩選卷十二

江都 陸鍾輝 淳川 甄錄

周文璞 六十九首

文璞字晉仙一字野齋陽穀人家錢唐方泉先生

集三卷

姜堯章金銅佛塔歌

白石招我入書齋使我速禮金塗塔我疑此塔非世有
白石云是錢王禁中物上作如來捨身相饑鷹餓虎紛
相向拈起靈山受記時龍天帝釋應惆悵形模遠自流

南宋詩選 卷十二
沙至鑄出今回更精緻錢王納土歸京師流落多在西
湖寺錢王本是英雄人白蓮花現國主身蛇鄉虎落狗
脚朕何如紅袍玉帶稱功臣天封圻開卽退聽兩浙不
聞笳鼓競歸來佛子作護持太師尙父尙書令一枚傳
到白石生生今但有能詩聲同袍秦外銛師兄哦詩禮
塔作佛事同喫地爐山芋羹何曾薰陸綺床供但見相
輪銅綠明哦詩禮塔猶未畢蘆葉低飛山雨濕

哦松夏夜

雅頌聲流到楚詞更無人見獨看時池頭五粒初搖動

却替幽人說舊時

鷓鴣

夜聞春雨濃濃綠淨于洗有禽自南翥自呼不得已豈
非湘川下或自江左起黃陵見哀妃白下感遊子仍多
憂其兄宛轉深樹裏汝兄今何在荆棘日靡靡豈非囚
空山或已投逝水年深桎梏化波冷皮肉死鷓鴣謹勿
痛此係造物理吾若破拚言汝恨入骨髓風吹慈竹林
苔暈上深紫吾亦念故鄉日夜夢鄰里不如各歸休闕
月照西□

南齊書選
卷十二
瀨上懷古

有孟正曜祠堂

古寺閉岑鬱空梁懸齋魚神坐旣歛仄德容亦饑虛先
生貧有命山僧樂無餘長安滿市花疋馬吟九衢寥寥
北邙山而誰噫荒墟豈有先生者不如山僧歎盲風振
蒼華重露落芙蕖何當醉尉歸方坐釣水隅

銅雀研

君王有遺令婢子守空臺遙望西陵下漆燈照鳩梧玉
顏闕釵澤松柏生悲哀低吟短歌行想像奸雄才清泉
沈金彩古烟凝紫灰零落故瓦在雕鐫若陶坯爲人作

書研詞章出詼諧上下千載閒流轉何悠哉那知墟中
人天命不復來齊昏亦披倡增三築崔嵬年年漳河頭
野棠如雪開

夜坐讀書

此生無耽嗜獨具愛書癖旁搜固未暇乍見亦畧識塵
土苦見汗更苦官事逼紙燈旣自剪竹牖仍僕織山邑
少文獻有亦何自覓隨行五升瓶一歲無滴瀝向來長
安市閱之嘗竟夕悵然夢裏去莽莽雲雨側哦此謂寒
蠶夜漏三十刻

南華陽洞

稽首遊名山駕言入華陽南洞極秘怪松草泉水香曲
几妙隸畫殘碣刊靈章俛首試一闕冷風襲綃裳守庵
敬愛客暖我紫朮湯遺我鷺眼錢云是洞所藏往有尊
幽徒入見黃金墻侈心或已起幾受奇鬼戕身儻獲會
遇敢恨飛蓬霜更巧一片土小築安閑房朝披神芝圖
暮試飢飯方

金牛洞

凌兢下危梯俛偃生深穴回身避雲霧偃面眎日月藥

苗護谿訝竹節截薛孽安知幽蹊下有此大奇絕金牛
鏟光景仙諜尙可閱崗頭春已半枸杞如點血便恐顛
風興橫吹石崖裂

山行行歌二首

帶淺人家隱樹深嫩晴天色弄雲陰好風嫋嫋穿林去
吹散松花似鬱金

天風穩送步虛聲禱和漫山檜柏鳴遠望山腰多白石
細看知是野人行

出白下

南朝禁籞夕陽明猶與遊人作隊行烟滿天淵池上路
菜花黃盡綠陰成

遊栖霞四首

破曉逗苦霧客鼻何酸辛山中氣候異初日如溶銀田
間石獸多知是肉角麟古苔半皴腹化作蒼龜鱗兩柱
旣岌業衆碑亦嶙峋幽涂得奇觀未敢辭埃塵連年抱
離憂百嗟亡一呻花弄鬢毛晚草奪袍色春愁中書櫝
失夢裏歌鍾敝窮愁著文字屢被同行嗔同行不相知
而况悠悠人

道中石麟碑柱甚夥

吾與空門友相扶歷芳甸天機久深妙梵本與貫穿徐
馳得幽欣濟勝愜孤願宿芽發輕苞寒卉抱短艷鹿走
風生林僧歸雲入殿寺從齊梁來諸彥題品遍安知千
歲後未歎陵谷變

優尼製銅覺欲駐女主齡主稱金輪王錄在華嚴經而
捨覺富貴愛慕塗椒馨月黯回心院妖魂啼窈冥僧人
勿知此獨愛一峯青分減儻及我終歲棲林垆

府帖昨夕下許奉半月急遂作茲山遊惘恍憂思失古
蹟墮榛莽久久失修葺南唐石塔好巋然對人立高碣

南宋詩選 卷十二 五
纏蛟龍奇畫耐風日
明旦丹陽路萬感當畢集
說似石翁婆皆須爲余泣

送友人入浙

行至王冀公墓上

小縣登樓上依稀是去年
更闌吹短笛飲散覓歸鞦
丹葉標寒渡黃花羃野田
重來吊古地爲拊石羊肩

金陵懷古四首

孫伯陵頭水最悲
蔣侯廟下月來遲
夜深行客心驚恐
猿挂晉朝楓樹枝

愁看幕府夕陽邊
那更雞籠在目前
跋扈飛揚只如此

登臨那得不酸然

琵琶未盡使人嗟
泪洒華林御苑花
今日聞韶無處所
雁烟蛩雨屬他家

江水無情碧草春
北朝留住老詞臣
子規啼向青楓樹
爲爾離鄉去國人

吳中秋日

郊原落葉已離離
尚有孤花闖短籬
小醉不成怜病後
苦吟未了說愁時
鬪雞走狗爰絲喜
臨水登山宋玉悲
豆角已收無別事
待同野老赴襟期

贈趙子野歌

與君雖爲外兄弟語話尋常見肝肺自從不見半年餘
每望吳雲輒流涕蘋溪松江同一波半年不見當奈何
長安市上相等處弟能起舞兄能歌兄今賜第南薰殿
滿戴宮花上林宴弟歸便着墮遊冠他時山中儻相見
吳王臺畔楊柳黃吳姬對坐調絲簧阿兄自對吳雲坐
呼弟不來應斷腸書來不應寄他物只要秋林一雙笛
當使蠻奴月下吹此時此夜須相憶

送道友歸

浮雲起足下是子欲歸家藏室收芸蠹丹房歸箭砂時
聞搗藥鳥啼向欵冬花莫使山童去驚飛逐亂鷗

歸憩仁王寺

重到招提未覺遲鉢單初副袷衣時僧房齋院門門閉
梅子枇杷樹樹垂蟻蔭經幡求託化龍纏佛座學慈悲
長年無事閑來此坐對空山諷小詩

下竺

靜看唐人刻相連坐石陰鳥啼留客意果熟住山心野
水流詩葉天香集道林雲根有桂子應待月中尋

七言

雲竺前頭卽御園小風斜雨入梅天放歌偃蹇如圓澤
古貌昂藏若稚川尋得數行天寶字破他一夜草堂眠
此生更要窮經論惆悵高人舊石筵

山居書事

茶蘼架倒無人架全似老夫狂醉時昨夜一場溪雨橫
又漂苔蘚到花枝

遊洞霄

天柱青峩峩石筍危不墮晃晃銀雲收誰兮開玉鑰崩

騰放閘水煜燐入洞火神境偕靈休乃欲搜碎瑣媿彼
朽濁顏一得在無我致彼老鑄凝披褐迎路左願留護
銀鐙被葉盤礪羸玉民付九虎遊宴升業礮爲言子速
去勤苦悔坎軻反樸招太和當免運刼禍慟哭出青松
殘齡其或可

題喻玉泉家亦可樂亭

先生亭非伯夷築亭柱亦用秋山竹但令家有滿架書
何慮妻兒少饘粥朝來相對亭上賓洙泗尺度羲皇人
先生已死名不泯常與此亭作標準後來鄰觸闕伯怒

南齊詩選 卷十一
僕夫預起池魚慮折亭折亭先折柱有孫抱柱出烟去
三十年餘復改觀有孫如此不待贊似魯靈光偶不全
令人見此空三嘆

送人歸苕溪

憤王祠廟桃花下愁苦看春又隔年今夜白蘋風更惡
去時須傍采菱船

晨起

閉門不與俗人交
亥晏春秋日日抄清曉
偶然隨鶴出野風吹折白櫻桃

寄茅山道友二絕

九錫碑亭日欲曛
有人趺坐對爐薰
憑誰傳語桓司馬
句曲山中只白雲

藥珠宮女傍瑤屏
自把韋編問姓名
回到人間無一事
紫陽花下白雞鳴

訪梅二首

起看重霧白漫漫
畧見春風在樹閒
傍水出籬猶未快
淡烟微雨又青山

幽花墮在石根傍
幾欲移將近
草堂草草一樽聊爾爾

南宋詩選 卷十二 九
跨驢歸去月荒涼

絕句

隔林八十龐眉叟
理竹疏泉過一生
見說石林身健日
把書只在石中行

客中

客中時序又匆匆
孤坐初春小雨中
弄水攀松去年事
令人憶殺洞霄宮

山樂官

山樂官爾誰魂
逃河入海俱奔奔
伶倫梨園何可論
山

樂官予欲爾兮無言
如有言爲余歌雲門

小寒食

從來寒食多風雨
不料窮鄉亦管絃
壯歲心情悲昨夢
異鄉時序感流年
偶隨遊子來溪上
因與棠梨立路邊
從此堪悲轉憔悴
隨羣同上釣魚船

五月五日至京口

回首望秦淮
出語重煩喋凱風
初酸辛靈雨
更淒切疇昔之所經
望見心已拆
粵從世態換
轉見凡事別
緡錢換仍艱
旅飯雜砂屑
坊市半頽毀
物貨僅羅列
鳴鳳斯

南齊書選 卷十二
不聞遺殄猶慘烈凌晨轉時序塗路已入浙口口雖快
人忍作昌歎節身本無瑕疵反被讒口謀低翔就師友
庶幾免摩滅清曠雖未能元暢差可悅如其守微言予
將俟來哲

贈蘇名叟

句容縣古寺壁有道元筆晃晃纓絡軀渺渺烟霧質一
堵最光怪朱泥久堙鬱泥去墨亦盡慘淡意都失恨不
還其人加巾急鞭扶毀棄加勿敬請論如漢律羅漢院
塔影顛倒難致詰稗書誌海翻此理殊未必今君所歸

路正向此中出况有弔古才仰天痛呼屈勿稱荒唐言
析理資按述其餘傳播咏淋漓滿箱帙棲霞者悲壯茅
洞者清逸珍題倘相命當第爲甲乙

辛未九月晦日

遺體只母身哀哀勿重陳一貽泉壤憂兩見霜露晨繁
霜與重露塗抹隨荆榛身卽未殞滅強與松柏春遂於
搖落中見此天地仁元烏已辭社蓐收方降莘拭淚聲
秋旻何由酬艱辛

簡正字南仲

南宋詩選 卷十一 二
白髮梁鴻隨暮猿不辭引領望兄門久無清夢相追逐
今喜遺經爲討論數葉赤楓鳴客路一畦黃殫憶家園
著書不就身何用每見飛塵恨滿軒

行歌二首

天讒天讒光照戶反舌轉枝啼更怒九霄詖蕩帝座高
老我此身無告訴舍傍種園翁作鄰一方泉兮在中庭
齊民書在泉有銘誓將團結爲林垌

先秦古書世已稀國風雅頌聲又微彼美人兮在天路
馬蜷局兮將安歸古人所懷已汨汨今人所懷已忽忽

我亦東西南北人相逢且盡杯中物

清明日書事

蒼弁一如楚執珪思想越唵身自低澗水又如古智士
縱橫流轉多滑稽雜花半開已倏落如怨曠女離深閨
幽禽自呼復相命如譴逐魄傷窮棲而我自是不羈者
行行踏破青萋萋今回蕩槳苔雪溪與野老輩相扶携
園池亭墅遊歷遍自對蜀錦傾偏提興闌徑走歸弟舍
同沃浮蟻烹村鷄百五之後最寥閬獨過趙灣西更西
野夫不知時節換但要熟醉如春泥

自笑

自笑蕭條甚微吟坐到昏江風來掃地山鳥見開門茶
面龍頭縮花梢犢鼻温一從杯酒少不復過深村

樵李道中二首

吹徹鶯笙醉碧桃古城斜日泛輕舸此行憶着經行處
綠樹黃桑一樣高

卧龍山下聽吟松細雨清明似夢中柳蔭朱欄三百尺
渴鳥猶自泣春風

東陽道中

野店梢頭起竈烟江雲弄色半晴天暗泉遶砌喧人語
遠燒侵林照客羈晚日未收雞上樹春風欲度鳥耘田
布帆無恙歸心穩纔到家山又迫年

賞春二首

滿酌黃封都市酒斜簪縹蒂御園花半酣更乞跳珠水
獨對風爐自煮茶

賞春社裏鼓逢逢尙恨聲同調不同我亦明朝若無事
更來吹笛亂山中

春懷

南宋詩選 卷十二
棠梨未落柳絲長料望幽人作斷腸已自不堪田父飲
更能重入少年場山連莽莽荒陂白門掩蕭蕭野日黃
想得故園疎雨外樽前催拍杜韋娘

暮雨

暮雨瀟瀟郎不歸尊前誰憶舊歌詞望夫烏柏濃於染
葉葉驚秋恨欲飛

題堯章新成山堂

早將心事付漁樵若被幽人苦見招多種竹將挑筍喫
旋栽松行碓柴燒壁間古畫身都碎架上枯琴尾半焦

猶有住山窮活計仙經盈卷一村瓢

中秋日遊能仁北寺兩刹

輕雲漠漠烟漫漫杖藜扶行不作難無量壽佛像最古
未曾有經碑亦殘秋花泣露顏色好客子着雨衣裳單
題詩寫寄莓苔壁勿使俗人相對看

西湖卽事

閑看浮鳩棲曲渚倦隨奔鹿上荒陵松門雨過長廊靜
一架藤花供病僧

宮人斜

南齊詩選 卷十二
魂魄淒涼掩暮塵
野花山葉自精神
年年中使頭邊過
暗裏相看似路人

上强寺

方池流水碧溶溶
怡悵靈蛇不易逢
門外行人常立看
一枝唐末半枯松

九溪十八磡

九溪十八磡
冷見帝青苔
洗足僧書石
臨流客放杯
按頭松葉響
身畔野花開
百六辭歌吹
清遊始一回

吊辨才二首

讀了碑文讀祭詩
冷看遺像立多時
郎當嶺上生雲處
山鳥山花憶老師

坡使參寥滴奠茶
定將老淚濕烟霞
誰知走入靈山隊
又對閒人說法華

壽星寺聞子規

莫向空山惱病僧
暮雲臺殿異鄉人
多時不識巴江路
守着濃花哭過春

隱者居

密竹綠坡便當籬
野泉入戶自成池
床頭一卷麻衣易

南齊書選 卷十二 五
更有寒山拾得詩

再遊九溪

昔年九溪十八礪今度見之逾清真靜依落落石路晚
閑繞寂寂山家春可憐潺湲似留客更覺曲折能隨人
得得杖藜來盡日野棠山杏亦精神

水仙廟鼓吹曲四首

水淵淪兮不揚山嶽峯兮多巨石神來下獨春仰昂神
遠適王孫的咳神無亟兮

倚碧櫺欵銅鋪德星在南烏尾逋兩峯隱天花深草蒨

錢唐十餘萬戶皆看使君歡娛雖涉流沙歷炎都入醫
無間不如東吳

龍飛天門鷄鳴日觀湖州有鶴知夜半端冕結纓鋒車
施憶瞻彼孤山男呼女怨欲裂冕毀車春榮秋枯無翁
愁子

雲冥冥雷闐闐橫玉轉流珠乾靈龜入我夢謂君當旋
既窮海壖之炎天當飲山中之流泉

薛師石 四首

師石字景石自號瓜廬永嘉人敷文侍制弼之曾

孫福州教授叔淵孫華州雲臺觀浩之子襟韻疏曠工書翰小楷受筆法于單炳文兼習篆籀築室會昌湖上為讀書之所若戴文子張直翁潘幼明趙幾道盧次夔趙叔魯趙端行陳叔方徐太古陳居端胡象德高竹有皆常所與往來者四靈皆有贈師石詩野水多于地春山半是雲則趙紫芝句也

劉荆山曰瓜廬詩寄性情之正得象外之趣趙東閣曰瓜廬詩如秋天迥潔風過而成聲雲出而成文王東谷曰瓜廬嘗為予言詩惟恐其不空遠空易到遠難及故其詩大槩趣極淡意極元予猶記其遊雁山有半洞容千佛語

寄趙紫芝

別後訪消息傳言一半虛前官已不就所向定何如苦雨厭羈思春風欺舊廬懷人閉門夕專擬寄來書

寄蔡任

不見三百日問君消息多身閑詩有味水靜月無波琴裏懷孤竹書中寄永和遙憐一江隔何計得相過

寄題趙十四知縣聽雨堂

誰彈石上琴涓涓流水響主人性清曠靜夜逾幽想何心指蓬閣取近對湫蕩應有可人來烟蓑曳雙槳

宿瞿溪

船泊溪西岸。人家見晚春。疎星寒有雁。村寺夜無鐘。竹
徑通新店。茅柴煖病容。農夫不相識。問我欲何從。

永頤 十八首

頤字山老。仁和唐栖寺僧雲泉集一卷

唐栖寺前

唐栖寺前溪水流。客帆來往舊杭州。津亭樹老無人記
得見。幾回僧白頭。

送僧歸茜徑

吳渚僧歸落日村。故王宮井已無聞。水邊尚有紅藍草
不染香衣染澗雲。

雪中送僧還竹閣

白公竹閣雲生晚。城市人歸夜雪平。燈在北高山頂上
塔如千尺玉長檠。

山樂官寄野齋

山樂官山樂官。爾爲靈鳳典音樂。想爾廢職來考槃。莫
厭山中多寂寞。山中無事忘憂樂。曉窓睡起春晝靜。聽
爾幽情如有託。山樂官山樂官。縱令致汝百鳥前。此聲

此曲終難傳

西峯日暮

手携一束書秋風獨來此松深夜月清水冷芙蓉死嬾
于簷下讀兩眼懸秋水時看澗鼠來食我山茶子

聞子規

客情誰是不思歸芳草春深未有期昨夜月明啼更苦
山花滿樹落燕脂

湖上春晚

水邊三月芳菲晚楊柳樓船擁萬家浩浩歌鐘迷白日

不知烟寺落桐花

龍山野望

聞說西潘桑柘少。舊來多種紫櫻桃。龍山春晚聊舒望。
雪白梨花一丈高。

悼周晉仙

荷葉傾香露山池見早秋石涼幽蟹過枝晚雨蟬休廢
堰憑虛漲荒泉入亂流水花紅漠漠相對渚雲浮

天竺秋日

翠滴千竿濕砌苔。曲廊花木小叢開。吳僧愛覓閑吟處

偷向花邊竹裏來

秋蟬

日落秋蟬噪柳津。爲傷風露咽聲頻。送晴送雨江亭外。偏感舟行晚泊人。

郟溪別周伯弼

夜館寒相對。篝燈語夜眠。夕烟生水郭。風柳泊沙船。暖
弃山中宅。春耕葑上田。西峯晴靄碧。歸去挹飛泉。

秋館

林暑漸消歇。爽氣浮高松。風蟬有遺響。露花結秋紅。微

月出東嶺碧。雲散遐穹暮。館正虛寂。泉聲雜鳴虫。

龍岫南窓書懷

茅堂猶未卜。幽興日遲回。帶雨聽昏笛。和燈看落梅。春
風三月近。客鬢二毛催。憶得初來日。山寒暝葉堆。

書堂

數峯相對夕陰遮。新占書堂舊竹斜。地冷石堦秋菊小。
一叢開得兩三花。

西湖日暮

渺渺春湖夕靄浮。落花飛燕打蘭舟。游人半入烟城去。

月照笙歌上水樓

夜歸

昨夜溪上歸雲下扣松扉老褐啓重鑰瘦厖循我衣院
靜雨聲大氣寒燈暈微叨叨聽林鳥春歇訴無依

月夜遊冷泉亭

地靈泉上寺松壑定深清獨聽子規叫况逢山月明樹
藏春洞黑石擁夜泉鳴日出喧車馬終非隱者情

周 弼 二十五首

弼
強

弼字伯弼汝陽人方泉先生文璞子登進士第爲

江夏令手刊端平集十二卷荷澤李龔爲選四卷
爲端平詩雋龔之言曰伯弼弱冠時卽博聞強記
洎長而四十年間宦遊吳楚江漢聲騰名振人爭
求其詩予恐有晚學未能曉者摘其坦然者二百
首以行伯弼生平心不下人今隔九原必不以予
爲謬云云則其佳者必不止此也

黃鶴樓歌

城上危樓高縹緲城下澄江復相繞有時漾影入中流
俯看游魚仰飛鳥近樓多少未行舟滿江落花灑汀洲

南齊詩選 卷十二 三
人同江狎不怕浪登樓對酒彈箜篌大別山頭白雲起
金口渡邊雨如洗半鈎新月上孤城還照高樓與江水
晴江依舊瀉潯陽黃鶴無由歸故鄉一聲玉笛起何處
燕撲闌干花影長

菰菜

八分山下灘渚
叢穗彌望可愛

江邊野灘多老菰抽心作穗秋滿湖拂開細穀芒敷舒
中有一米連三稔剖之粒粒皆尖小整齊遠過占城稻
不煩舂簸卽晨炊更勝青精顏色好尋常艱得此欣逢
默計五升當百叢雨多水長倍加益十里定收三十鍾

野人獲之亦自足何用虛糜太倉粟連日秋風思故鄉
况復家田有茅屋墜網重腮鱸已鮮蓴絲牽葉又流涎
急歸收穫蘋溪畔細撥蘆花撐釣船

海棠

海棠最佳須老叢遠及百年花始紅歷看名葩此爲盛
剛柯硬葉交相映倚石攢青二三丈雨膏倒吸臙脂上
髣髴璇霄發曙光細簇蓬萊綉旗仗露欲收珠色轉深
香玉萬顆藏春陰輕風欲透紫絲障一片朝霞傾入林
鳳城多少栽花處低嫩俱無可觀樹相對令人憶故山

年年雕萼掃朱欄只今惟有溪童在應放高枝棲白鷗

題葛稚川移家圖

稚川移家入空谷手招白雲守茅屋惟恐人窺煉藥鑪
鑊斷青巒瀉垂瀑只留一徑通飛鳥其間想透三仙島
野童猶摘鳳文梨村老閑鋤燕胎草人將外物爲真物
反笑山棲衰草窟玉臼丹成兔欲眠蚯蚓黃蒿幾攢骨
此處世間應不遠尙存猶可分苔蘚兩幅生綃若可憑
先寄胡麻與雞犬

寓宿黃觀復書堂晨至海棠花下走筆呈蘇召

叟

春風忽來花滿樹海棠最多繞欄吐客愁纔動不復安
兩脚春泥踏春雨高枝背面辭曉暄低枝濕透揮未乾
臙脂深重粉亦殷顏色滑膩脂肉寒五雲忽卷晨粧畢
曉來姿態俱已失悔不敲門請君出喫酒忍饑看半日
疾呼盃酌傾已遲但驚野雪掃還飛可能就賜醉眠者
爛嚼落花聽鳥啼

夏日泛祕湖

朝來泛舟花滿湖亭午返棹風相呼已收波浪入菱芡

南齊書選 卷十二
三
晚開雲日媚菰蒲羣飛鼓翼數沙鴈一去沒頭雙野鳧
少留霽色定堪玩可惜歸程時已晡

櫻桃花

櫻桃未開花遶枝櫻桃已開紅滿溪花開幾朝今始見
人折人攀那得知黃鸝飛來問誰主對面相看隔牆語
今日銷魂事可明昨夜東風過雲雨

晚登黃鶴樓

戚戚登臨地淒淒欲暮天相看數株柳不聽一聲蟬山
冷雲生絮江空月上弦無緣捨塵事閑對白鷗眠

送姚希聲令弟歸剡中

客程何太急歲月半塗分想暫歸天姥還來伴使君曉
吟千嶂雪春思一江雲若再經過此囊詩可得聞

天申宮蘇文忠畫像

大澤沾荒裔靈山識老臣微茫雲外跡衰病瘴中身濕
草寒碑夕晴花午殿春高簷風雨斷猶避六丁神

天章寺前小樓

客懷依古寺曲水茂林邊俯聽磬鳴石靜看山出烟傍
花清晚漱對竹冷春眠深羨溪僧樂幽居動歲年

行吟

獨行沙岸不相携。準擬沿溪更渡溪。藥蔓交加蟲上下。
柳花撩亂蝶高低。杖頭曉伴春雲石。屐齒晴翻夜雨泥。
詩就隨山爲人寫。等閑抽盡錦中題。

秀野

小作幽閑傍宅開。只須數畝占樓臺。石移林屋秋雲至。
水帶松江暮雨來。徑草散香迎過屐。砌花分影蔭流盃。
人家園圃應無數。不似君能日幾回。

雨花臺

細蘚柔莎瑣舊堆。昔年曾見異僧回。如何天上飛靈雨。
不爲人間洗劫灰。江接潮頭諸脉應。地連岡勢一支來。
只今不假虛無事。別是春風歌舞臺。

鳳凰臺

一徑逶迤草自芳。何爲不復更翱翔。應須舊國還宣武。
別有高臺在建章。白鷺背花尋塔路。赤烏衝柳集宮墻。
中興不比偏安事。且對梧桐薦羽觴。

烏衣巷

日落凭欄感慨頻。長干橋畔冷殘春。桑田蕪沒徒多事。

蘭玉叢生更幾人風暖影翻花外燕雨多痕蝕草間麟
堪嗟羣從成功後不及鍾山一尉神

石頭城

點點凝烟望未收六朝遺跡遍荒丘自從絳闕雄江面
誰把朱泥染石頭崗斷曉榛雙阜虎岸長春草一灘鷗
諸公多少新亭恨不是知心莫上樓

浣沙秋日二首

衣裳單薄鬢蕭騷獨凭危欄首屢搔出壁亂雲分片段
隔江飛雨見絲毫庭前斷續蛩爭嚮簷外輕便蝶鬪高

多少好山俱在眼愧無短屐共遊遨

清溪樓閣暮沉沉不覺登臨夜欲深幾處捲簾催酒笛
誰家閉戶搗衣砧一朝野霧三朝濕十日江天九日陰
暗喜礙人公事少自來收拾送秋吟

春怨

極浦蘋花白空壕蘭蕝紅傷心城上燕飛入館娃宮

落梅

玉樹分明照夕流粉痕翻爲碧苔留三更枝上玲瓏雨
亂滴寒香一夜愁

女墳湖

石龜無語對東風
海鶴曾迷曉市中
三十六鱗朝夜月
玉釵人在水晶宮

吳門送同行者之毘陵

布帆何處定逢春
身是歸人又送君
明日隔城回首望
冷花寒葉滿秋雲

彩雲橋

斷橋流水兩無期
殘日輕雲處處疑
乞與行人自沽酒
滿旗風雨豆花籬

青陽驛

悄悄如秋麥氣涼
山風吹透濕衣裳
小爐深幌枯松火
一夜寒香遶客床

南宋羣賢詩選卷十二

南史書選卷十二

Blank columns for text within the main frame.



